

Sentimentonan den nos temporada di Pasco "Comercial"

Temporada di Pasco a drenta for di principio di e luna aki, pero ta parce cu e temporada no tey, pasobra aña tras aña e sentimento di temporada di Pasco ta cabando.

Ta solamente na e emisoranan radial anochi cu e diferente programan radial di Pasco por goza di e ambiente real. Resto di dia, ta dia di toca soca, merengue, vallenato, tumba, y henter dia cu repticion di cancionnan di un Che Che Peralta, Villalona of un Binomio cu ta bini Aruba e temporada aki of di otro artista of agrupacion.

Parce cu e interes pa toca musica di e gruponan di afo cu ta bini Aruba ta mas grandi, pasobra e interes cu tin tras di esaki personalmente lo ta mas grandi tambe.

Cu nos artistanan local, no tin e interesnan cu por gana.

Nos tin grabacionnan di Pasco di Shanelle Lopez, di Sulaika Croes, di Victor Camacho, di Jossy Herrera, di Las Originales, di Estrellas del Barrio y asina por menciona algun, pero no ta tende e grabacionnan, pa trece comunidad den e ambiente real di Pasco.

Nos artistanan local parce no ta conta den e temporada aki.

PLANTACION DI VENTA DI KERSTBOOM

Manera a yega di skirbi hopi biaha, nos a haya plantacionnan di casitanan di bende number rond di Aruba, despues a planta cantidad di Take Away; a planta simiya di Take Away cu Arubiano como doño, pero cu stranhero operando; a planta emisoranan radial; a planta lugarnan di bende joyas; a planta beauty salon; den temporada di Aña Nobo a cuminsa planta simiya di "Aki ta bende Klap, Klap, Klapchi, Clapchi, vuurwerk" y tur e simianan a percura pa raiznan cu a plama y plama.

Awor por ripara cu e simianan cu a ser planta yama: "Aki ta bende Kerstboom".

A lanta tentnan tur caminda, por mira containernan staciona tur rond, y lugarnan cu tabata di "Aki ta bende Clapchi", a bira awor tambe lugar di "aki ta bende Kerstboom" tambe.

E MES CANCIONNAN DEN STATEN

Tin dos dia cu oposicion (MEP) no ta den reunion di Staten y desde cu nan a sali di reunion, esaki a bira manera "laga nos yena pa yena".

Ta tende parlamentarianan di coalicion usando palabranan y frasenan bunita, papia largo sin bisa nada, y manera un hende a bisa: "ta parce cu nan ta gusta scucha nan mes".

E reunion a bira di un banda.

No tin argumentacion di nada.

Preguntanan (prepara) ta wordo haci, djies pa haya un contesta (prepara) pa wordo documenta cu "esakinan a bin dilanti" pa bisa despues cu den tal reunion tal dia e "asunto aki a wordo discuti ampliamente".

Tres dia di reunion sin sabor di reunion ta tumando lugar, cu un emisora cu ta transmiti'e, y parce cu no tin grabacion pa toca.

Mescos cu tur otro reunion di ultimo añanan, ta e mes grabacionnan ta wordo toca y ripiti y ripiti cu cada suspension di reunion.

Ayera siquiera na dado momento a toca un cancion di Pasco.

Si... un cancion di Pasco, mientras cu por a percura tres dia pa laga oyentenan sinti e sabor navideño durante cada suspension.

Esaki a ponemi corda riba "Elfde v.d. Elfde" cu a inaugura temporada di Carnaval na November.

E banda a toca mey ora largo prome cu discursonan, y no tabata tin NI UN CANCION di carnaval di nos artistanan y den di dos turno di toca, e banda a toca UN di nos roadmarchnan.

Ta temporada di Carnaval a habri asina cu "honor na nos musiconan y cantantenan di roadmarch y calypso".

DONDERBOS Y BANANA FUERA DI TEMPORADA

Hendenan cu ta biba na Sero Preto y vecindario algun dia pasa tambe a haya nan "saludo di Aña Nobo" y por poco nan prome transportacion cu ambulance pa hospital, ora cu diripiente, zonido di dinamiet a resona den nan bario.

Soldatnan a haci nan entrenamiento, y usa explosivonan cu tabata zona manera dinamiet of "banana kingsize" di aña nobo.

Hopi hende tabata masha spanta den cas, y e zonido a spanta masha hopi tambe.

Awor..., si un hende a spanta haya atake di corazon muri; si cas di un hende a scheu; si e zinknan cu tabata bati riba dak di cas manera cimbal, a bula.

Si asbestnan riba dak a scheur of kibra, y mester bay reclama esaki; Ministerio di Defensa di Reino, lo cubri e gastonan aki?

Cerca kende por reclama anto?

Ta haci por haci y deshaci pasobra ta di "Koninkrijk der Nederlanden"?

HOPI HENDE TA PASA MAL PASCO

Despues di desgracia na Radisson y cu hopi cos a bay den "doofpot" y cu trabanon a sigui, ainda tin un grupo di Arubiano cu ta sufriendo. Esakinan tabata esnan cu tabata traha du Aruba Construction hunto cu cantidad di ilegal.

E Arubianonan aki ainda no por haya nan placa.

Tin dos luna cu nan no ta trahando, pero no tin caminda pa nan keha tampoco pasobra e compania no ta paga.

Ora core bay busca derecho na Departamento di Labor ta tende cu "ta otro contratista grandi mester paga".

No ta ser bisa cu e "otro contratista grandi aki ta GOBIERNO".

E hendenan ta cana pariba pabao buscando nan placa y ningun hende sa unda nan mester ta pa haya nan placa.

Na SVB a laga sa cu e contratista Aruba Construction a wordo "opge-doekt".

Cu otro palabra, e no ta existi mas.

Na departamento di labor nan ta tende cu "mester coba den bukinan prome" pa mira si nan tin placa.

Tin tatanan di familia di 3 y mas yiu, cu no tin manera di duna nan yiunan cuminda.

Nan no por paga huur di cas y dentro di poco lo ta riba caya.

E mama y tatanan no tin manera di cumpra un "cariño" di Pasco pa nan yiunan, pasobra no tin entrada y tur esaki debi na e FREE FOR ALL cu ta tumando lugar den construccin, sin control, sin screen companianan, sin cu tin bienestar di trahadornan na pecho.

Asina nan kier pa nos tur traha "pa manda Aruba dilanti".

July

JOB OPPORTUNITY

We are looking for a lady who likes CLEANING:

- 15 hours a week (Monday, Wednesday and Thursday morning from 7:00 - 12:00)

- we offer you a salary of Afl.500,- per month.

We expect from you the following:

- must be honest and show initiative
- preferably own transportation
- must have telephone
- non-smoking

- language not important: we speak English, Dutch, Papiamentu and Spanish.

If you are interested, please contact us at # 861482, Noord.

PA TOCA FIESTA DI BRUID, KERSTDINNER, VELD ENZ...

H.Q. BAND
tey pa delita bo cu bon musica
High Quality Band

Kenrick Bradshaw or Hendry Tromp

Tel: 835108

Tanki Leendert 127c

WEMA SAN NICOLAS

Nos ta avisa na nos clientela y pueblo en general cu Wem San Nicolas lo habri pa temporada di fin di aña.

•Diadomingo 13 December, 1998
di 8:00am-2:00pm

•Diadomingo 20 December, 1998
di 8:00am-2:00pm



Nos A Bin
Pa... Keda!!

WEMA SAN NICOLAS
habri Diadomingo

B.J. ARENDS & SONS INC

NO LUBIDA CU NOS
NEGOSHI NA
DAKOTA TA
HABRI NON-STOP
TUR DIA DI 8'OR
PA 5'OR

BRENCHIE'S

LUMBER & BLDG. SUPPLIES
RONDWEG # 121
TEL: 830750 & FAX: 830767
"BO ADRES DESDE 1934"

TA BENDE

un set di sala grandi
cu su mesa den bon
condicion pa Afl.825,-.
Info. Tel:820339.